

春在堂全書

第十一函
十二冊

驪山傳

三臺令

碧圃老人上

衰年舊學都荒論語居然未忘奇

女此中藏說破了驚倒邢皇

這本戲叫做驪山傳聽我表明大義那周武王亂臣
十人有一婦人或說是太姒或說是邑姜都講不去
有人把婦人改作殷人說是膠鬲更屬無稽直到曲
園先生纔考得此婦人是戎胥軒妻姜氏卽後世所
稱爲驪山老母者史記載申侯之言曰昔我先酈山
之女爲戎胥軒妻以親故歸周保西垂西垂和睦是
其有功於周可見漢書載張壽王之言驪山女亦爲

天子在殷周間是驪山女固一時人傑周初寄以西
方管鑰然後無西顧之憂得以專力中原厥功甚鉅
列名十亂固其宜也此論至奇亦至確唐時有書生
李筌遇驪山老母指授陰符經宋時有鄭所南繪驪
山老母磨鐵杵作針圖皆以神仙目之莫知其爲周
武王十亂之一我故演出此戲使婦豎皆知雅俗共
賞有功經學看官留意勿徒作戲文看也

排歌十亂成行何來女郎經生費盡商量邑姜太姒總
荒唐改作殷人更不當惟班馬載得詳驪山奇蹟始昭
彰因游戲譜此章黎園子弟試排場

第一齣 周廷遣使

鳳凰閣

扮周文王上

有邵啟宇崛起公劉亶父岐陽鳴

鳳肇洪圖一旦六州歸附奈西郊不雨文德猶難四海

孚

非躬承眷顧薄德媿君師宵旰勤雖切平康化尙虧

丕丕膺大業翼翼奉先規未得恢王化何堪忝上儀

寡人姬姓名昌君長岐周位爲西伯自吾祖太王以

來商德已衰及寡人之身天下諸侯朝覲訟獄不於

商而於周約而計之已得天下三分之二廷臣援引

古義眾所歸往卽謂之王既有其實不得矯辭其名

乃於戊午歲季秋月改元稱王迄今又數年矣且喜
友邦親睦黎庶乂安雖未必克集大勳亦可云自作
元命只是北方殲允時來侵擾邊疆戎馬生郊不能
安堵西戎諸國昆夷最大我邦僻處西陲與之逼近
眷言西顧時切憂虞未雨綢繆所宜豫爲之計今日
蚤朝幸而無事深宮多暇已召吾師鬻子及尙父太
公入宮一議想當卽至也

前腔

扮鬻子上

著書奚補自歎年華已暮

扮姜太公上

朝歌辛苦鼓刀屠慙愧鷹揚稱武合願同扶赤祚早定
周家受命符

醫臣醫熊見姜臣姜尙見文吾師及尙父少禮今日
端居多暇却有一二大事與二公計之醫姜願聞王
命武我周家建邦西土北有獫狁之患西有昆夷之
難自昔已然至今彌甚

太平歌

那獫狁

能馳馬善控弧萬騎騰驤來莫阻

那

昆夷呵

玉門關塞能飛度時來荐食尤堪慮願籌良策

靖邊隅

博得箇

西北兩無虞

姜臣啟我王獫狁乃犬羊之性但知畏威不知懷德
以臣愚見必須與之一戰

大聖樂

逞強梁鐵騎長驅歎邊疆戰骨枯今須征剿休

言撫依古法整車徒獵允長技在於馬上來去如風莫
能抵禦臣竊譬之猶洪水之橫流也中國長技在於車
戰車徒排列壁壘森嚴以車禦騎猶以隄禦水臣舉一
畝必能勝任文尚父所舉何人箋臣所舉非他乃大將
南宮八士尤推仲請命儒臣賦出車看取央央
旂旐朔方一到淨掃匈奴

文北狄獵允付之南仲得其人矣西戎昆夷如何鬻
臣啟我王臣聞西戎種類甚繁非止昆夷一種大約
自陽關以外皆號西戎先時聞有三十六國近時又
聞有五十五國若欲一一征服勞我師徒竊恐非計

前腔歎西戎種類難稽出陽關萬里餘互相呼應同蜚
驅攻與戰少良圖以我一國敵彼眾國兵連禍結事未
可知臣竊舉一人使之坐鎮西陲能使我國不折一弓
不絕一弦自無西顧之憂〔文〕吾師所舉何人〔醫〕臣所舉
非他乃驪山女也戎胥軒婦驪山女雄鎮西夷一丈夫
倘許馳驅効力何憂域外疏勒莎車

〔文〕那驪山女寡人亦聞其名未知其實願吾師詳言
之〔醫〕那驪山女呵

降黃龍申國名姝母氏驪山實惟美女天生英俊佐夫
君不在盤盂崎嶇奠安疆宇到此日承襲雄圖眞箇是

天邊倚劍海外懸弧

獅子序

願吾王

頒玉書馳傳車假便宜俾主西垂一隅

文誰可任使者鬻上大夫散宜生可宜生當日呵

向驪

戎國內購得名駒至今舊游重到何難教牝驪駉野駒
駉俯投吾圉西戎卽敘在此行歟

文旣然如此尙父卽傳寡人之命命南仲刻日出師
北征玃允吾師可傳命散宜生備具書幣親詣驪山
女商定機宜鬻姜臣等謹遵王命

尾聲

文

西戎北敵皆堪慮

文

南仲戎車先舉

鬻全仗那

巾幗英雄

把

西極扶

天將王業付岐陽

飛起熊羆渭水旁

鬻子著書老無事

今朝亦復一登場

第二齣 驪山命將

〔扮文官二人上〕春歸蔥嶺筆生香〔扮武官二人上〕秋

渡蒲昌劍有銑〔扮女官二人上〕恥共纖兒歌玉樹〔合〕

願隨神母固金湯今日驪山聖母出御外朝我等整

肅威儀在此伺候

〔七娘子〕

扮驪山女二宮女執拂導前二宮女執扇隨後同上

蛾眉占盡金天氣小

昆侖渺如梯米太岳吾宗鍾靈特異莫將人世河魴比

建一國兮西方國富庶兮兵強策多士兮賢良課四

民兮耕桑奠匕鬯兮無傷顧笄珈兮有光猶中夜兮
皇皇冀永固兮苞桑老身姜氏本申國之女因吾父
娶於驪山而生吾遂名吾爲驪山女及笄歸戎主胥
軒我夫家本顓頊之苗裔由女修生大業九傳而至
吾夫世爲西戎強國吾生而明敏天文地理無不通
曉兵書陣法尤擅神奇自吾夫云亡國人卽奉吾爲
主嗣位以來人民富庶國勢熾昌雖然僻處一隅也
算尊無二上奈我國逼近西戎時來侵擾昨得邊報
知有皮山國難兜國戎盧國渠勒國分道內侵勢甚
猖獗是以特御外朝召左右二大夫共議奠安宗社

保固封圻又費一番經畫也左大夫上政治清和驗

平露右大夫上聲名震疊到無雷合左右大夫見驪

方幸十年休養又驚四國跳梁烽火宵傳警書朝至

何以待之大夫必有高見

破齊陣

左大夫唱

每慨兵端一起民生瑣尾流離凱奏

初回軍書又告何日干戈方洗

縱博得

三年能克遐方

鬼須念那

萬骨難收戰壘屍

老臣庸懦竊以議和爲是

從古道

兵凶戰更危

前腔

右大夫唱

國勢何堪屢挫邦交更恐多欺歲幣無

名和親失算異族能無環伺

要破那

列邦實實虛虛壘

須建我大國堂堂正正旗臣雖不才竊願與之一戰自

古道兵來將禦之

驪二大夫各執一見老身觀之皆是也和戰二說當兼用之欲與之和先與之戰戰而後和乃真和矣

前腔莫道和戎失策休言戰事多危撻伐先張存覲後

用方見恩威交濟若只是年年玉帛陳筐篚恐不免歲

歲金戈費鼓旗先用右大夫之策與之戰然後用左大

夫之策與之和切不可錯亂了盤中一著棋

左右合聖母高見非臣等所及**驪**如此便煩二大夫傳諭前後左右四將軍分道出師抵禦四國臨行之

日老身再授以方略左右謹遵聖母之命扮城門官
上下僚困頓抱關老上客雍容乘傳來東城守者見
今有周邦遣上大夫散宜生出使我國已至東郊伏
候命下遵行驪岐周本爲大國今王又是聖君既有
使來理宜優待可派文武官各一員出郊迎接一文
一武謹遵命暫辭仙仗游郊甸城門官同望清塵接
使車同下驪周使遠來可知西戎之爲中國患深矣
朱奴兒昔夏禹成功九圍西戎氏卽敘無違後世陵夷
德澤衰絕域外自成風氣憑長技無端弄奇

恐怕那姜

尙父也著了

黎邱鬼

一丈一武引散宜生上周使到驪下坐迎科皇華遠
降下國增光不勝榮幸散輕造貴邦方虞冒昧乃蒙
優禮深感謙光驪敢問大夫此來有何明諭

玉芙蓉

散唱

岐陽國本微苦受西戎累歎君臣上下盱

食宵衣欲將陰毒銷蛇虺全仗雄威借虎羆

寡君命下

臣致意聖母西邊一帶敬求捍圍

長城倚免西風亂吹

吹動了妖雲毒霧滿天飛

驪敬聞命矣見在西方有皮山等四國侵犯我邦老

身已命將出師分頭征剿

前腔叨膺管鑰司敬効藩籬寄願綢繆牖戶辛苦支持

任憑雪嶺千軍滿不許雷池一步移

煩大夫致意貴國

王有老身在勿以西鄙爲憂

無他技但恩威並施一任

那西來天馬也堪羈

並非別本對盧

大夫遠來勞頓請就館舍小憩敝邦例有饗燕之禮

命左右二大夫率領文武官奉陪散恭謝聖母忝受

牲牢三獻禮二大夫一文一武合叨陪尊俎一堂春

同下驪歸坐科命文員撰擬國書報復周王務存謙

抑命武員率兵五百守護賓館啟行之日送之出境

一文一武謹遵命文潤色愧無華國手武扞振當盡

詰姦心同下驪周邦送來禮物派女官一員點收我

邦回送禮物派女官一員從豐備具二女官謹遵命
已見貢珍羅備物更將庭實表多儀同下驪我一婦
人蒙周王重視使我保障西方將來攀龍附鳳爲周
室元功之一亦不負天生我一時人傑也

尾聲 皤然一婦年衰矣屹若長城千萬里

憑他

任奴微

音

也須

呼我姊

驪山老母世皆知

世系源流孰考之

史記漢書明白甚

並非院本構虛詞

第三齣

四將成功

扮前部將軍上効力在前茅平生意氣高壺中鶉尾